



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Michaelis Dilherri Contemplationes, Et Suspiria Hominis Christiani**

**Dilherr, Johann Michael**

**Norimbergae, 1660**

XVI. De Christi, & nostra, Circumcisione.

**urn:nbn:de:hbz:466:1-10209**

*stra vera! tuam ad patriam,  
post tuam victoriam: in qua  
sit laus tibi in seculum.*

CONTEMPLATIO-  
NUM ET SUSPIRIO-  
RUM HOMINIS  
CHRISTIANI

XVI.

*De Christi & nostra Cir-  
cumcisione.*

**V**idete, oculi mei! Jesum meum:  
considera, anima mea! Chri-  
stum meum. Culter apprehenditur:  
& filiulus altissimi ad fauciationem  
pertrahitur. Abstine, culter! ab in-  
nocente: parce, Synagoga! infonti:  
mitte, circumcisor! illibatum: involve,  
pater! intemeratum.

Sed voluisti ita, Jesu meus! circum-  
cidi, fauciari, & sanguinem mittere  
tenerrimum.

Quid ita properas, Domine! ad  
sanguin-



114 CONTEMPLATIONES  
sanguinis lactei profusionem? salus  
mea est, quæ properare te cogit.

Quid verò circumcissioni te subijcis:  
qui Dominus es legis, & legislator ipse?  
An, ut confirmares: circumcissionem,  
quam olim dederas, justè inservisse,  
usque ad tuum adventum: & ne anti-  
quæ religio prorsus reproba videre-  
tur? an, ut Judæos, susceptâ circumci-  
sione, servares: quemadmodum gen-  
tes baptismo, id est, purificari roris  
perfusionem, eras servaturus? an, ut  
omnem legem servares, impleres, si-  
steres?

Quid multis? circumcisisus es, pro-  
pter quod natus es, propter quod pas-  
sus es: nihil horum propter te, sed o-  
mnia propter electos, propter me,  
propter omnes tibi adhærentes: ut  
solveres pro nobis debita, qui nihil de-  
bebas, & propriis & alienis nos libera-  
res delictis.

O amantissime Jesu! adhæreo ego  
tibi: tu mihi adhære æternùm: debita  
ego contraxi; tu solve.

Te precor per illum sanguinem  
pretio-



CHRISTIANI. 115

pretiosum, quem primùm, pro peccatoribus, in tua sanctissima circumcissione, & postea abundantissimè, in amara tua passione, effundere voluisti: ut abluas omnes iniquitates meas. In me respicias humiliter petentem, & sanctum nomen tuum sæpius invocantem.

Fac, Domine, ut ego legibus meis promptè subjiciam: ex te, Domino meo, servus ego mandatis tuis discam parère; & non necessitate tantùm, sed liberâ voluntate tibi obtemperare.

Hæc enim est vera humanæ naturæ obedientia; cùm voluntatem suam liberam, spontè voluntati Dei subdit; & cùm acceptam bonam voluntatem, sine omni exactione, spontaneâ libertate, opere perficit.

Da, Domine! mihi circumcissionem cordis: quæ est, sublata erroris nebula, agnoscere creatorem, Deum Patrem, & Filium ejus, Christum, per quem creavit omnia: ut veritas Dei impleretur. Da, omnem immundiciam

ciam



ciem cogitationum, atque impuros  
sensus abscindam à corde; & abjiciam.  
Nec enim jam truncationem præputii  
Evangelium imperavit: sed circumci-  
sionem cordis, & omnem tam mem-  
brorum, quam affectionum petulan-  
tiam, gladio spiritus, refecari.

Non est hæc in meis facultatibus  
circumcisio: subveni tu mihi, Domi-  
ne! & imbecillem adjuva; quod per  
fidelem tuum, Moſen, promisisti:  
*circumcidet Dominus Deus  
tuus cor tuum, & cor seminis  
tui: ut diligas Dominum De-  
um tuum, ex toto corde tuo,  
& in tota anima tua.*

Adsum ego, Domine! ut iusti-  
fici, per fidelem tuum Jeremiam:  
*circumcidimini Domino, &  
auferte præputia cordium  
vestrorum: ne fortè egredia-  
tur, ut ignis, indignatio mea.*

Da,



Da, & de me dicat fidelis tuus, Paulus: *circumcisus es circumcissione, quæ fit sine manibus: dum exuisti corpus peccatorum carnis, per circumcissionem Christi.*

Judæi unum saltem corporis membrum circumciderunt: da, Domine! omnia ego membra mea circumcidam. Pravum est cor hominis: circumcidendum ergo est, & in illud distringendus est gladius Spiritus: qui est prædicatio Evangelii de Jesu Christo; quam si quis in corde suo fide exceperit: huic primùm non imputabuntur peccata; sed reputabitur justus, propter Christum. Deinde dabitur ei Spiritus sanctus: cujus virtute fiet, ut reliquæ peccati non regnent in mortali suo corpore; sed ut membra sua accommodet arma justitiæ Deo.

Excita me, Domine! & fortifica:  
ut



118 CONTEMPLATIONES

ut circumcidam oculos; ne videant vanitatem, aut adulteriis clandestinis se conspurcent. Mandasti hoc, Domine! *si oculus tuus dexter obstaculo tibi fuerit; erue illum, & abjice abs te.*

Excita me, Domine! & fortifica: ut circumcidam manus; ne innocentem effundant sanguinem; ne furentur. Præcepisti hoc, Domine! *si dextera tua obstiterit tibi; amputa eam.*

Excita me, Domine! & fortifica: ut circumcidam pedes; ne in viam eant peccatorum; ne properent ad malum.

Ita deposito homine veteri, & induto novo, nova ero creatura: & regni tui, Christe! hæreditatem possidebo. Possidebo societatem civium supernorum, choros hymnidicos Angelorum, dulcem solennitatem beatorum cunctorum. Ita dices, Christe!  
Patri



*Patri tuo: volo, ut, quem dedi-  
sti mihi, jam sit mecum: ut  
videat claritatem meam,  
quam habui apud te, ante  
mundi constitutionem.*

O quando hoc dices, Domine! O  
quando hoc audiam!

CONTEMPLATIO-  
NUM ET SUSPIRIO-  
RUM HOMINIS  
CHRISTIANI

XVII.

*De Christi Passione.*

**T**unc pro me ascendas Hieroso-  
lymam: ut consummentur o-  
mnia, quæ scripta sunt de te, per Pro-  
phetas? ut ludibriis gentium expona-  
ris, ut flagellis cædaris, ut sputis con-  
spurceris, ut stipiti affigaris? tu, qui  
Dominus es gloriæ, Deus vitæ & salu-  
tis, Deus summus, optimus, omnipo-  
ten-